

欽定書經傳說彙纂卷第十五

洛誥

集傳

洛邑既定。周公遣使告卜。史氏錄之。以爲洛誥。又

并記其君臣答問及成王命周公酌治洛之事。今古文皆有。○案周公拜手稽首以下。周公授使者告卜之辭也。王拜手稽首以下。成王授使者復公之辭也。王肇稱殷禮以下。周公教成王宅洛之事也。公明保予沖子以下。成王命公留後治洛之事也。王命予來以下。周公留王留洛。君臣各盡其責難之辭也。俘來以下。成王錫命。毖殷命。寧之事也。戊辰以下。史又記其祭祀冊誥等事。及周公居洛歲月久近以附之。以見周公作洛之

始終而成王舉祀發政之後卽歸于周而未嘗都洛也

集說

王氏安石曰此詁有不可知者當闕之而釋其可知者○葉氏適曰此篇當與召詁參看蓋非一時

之言史取周公得卜至遣使告卜相與往來告戒本末序次之以示後世也○林氏之奇曰召詁洛詁二篇辭雖不同而其意相爲終始左氏之作傳以釋經有先經以始事者有後經以終義者召詁之篇是先經以始事之類也洛詁之篇是後經以終義之類也○陳氏櫟曰此篇大可疑者惟有公告王宅洛行祀出命之辭而不載王至洛之事與其日月觀十二月在洛祭告命周公畱治洛之事尙謹書之則自三月後至十二月初此數月中至洛之大事其當書也必矣又此篇首章九句脫簡在康誥之首則首至洛之事其脫簡又可想矣且孺子其朋及汝惟冲子惟終等處聲牙難通又王曰公功棐迪篤之下無周公答辭而卽又繼以王曰豈非此等處有脫簡錯簡邪

周公拜手稽首曰朕復子明辟

集傳

此下周公授使者告卜之辭也拜手稽首者史記周公

遣使之禮也。復如逆復之復。成王命周公往營成周。周公得
卜。復命于王也。謂成王爲子者。親之也。謂成王爲明辟者。尊
之也。周公相成王。尊則君。親則兄之子也。明辟者。明君之謂
先儒謂成王幼。周公代王爲辟。至是反政成王。故曰復子明
辟。夫有失。然後有復。武王崩。成王立。未嘗一日不居君位。何
復之有哉。蔡仲之命言周公位冢宰。正百工。則周公以冢宰
總百工而已。豈不彰彰明甚矣乎。王莽居攝。幾傾漢鼎。皆儒
者有以啟之。是不可以不辨。○蘇氏曰。此上有脫簡。在康誥
自惟三月哉。生魄。至洪大誥。治四十八字。

集說

程子曰。猶言告嗣天子王矣。○葉氏夢得曰。復如孟子
有復于王之復。自孔氏以復子明辟。謂周公攝而歸政
之辭。古今儒者從之不敢易。獨王氏以爲不然。世或未之信
以予考之。周公踐天子位。以治天下。初無經見。獨明堂位云

爾明堂位非出吾夫子也。蓋武王崩，周公以冢宰攝政。此禮之常攝者，攝其事，非攝其位。世見周公在喪之攝，不知其非以成王幼而攝，故至卜洛猶有歸政之言。則王氏之言爲有證。○呂氏祖謙曰：前乎此者，封康叔伐三監，莫不繫之於成王，則昔固爲辟自若也。而今何復焉？政使如世儒之說，則天下之事豈有大於此者？何爲下文無一語及之而專論營洛獻卜之故邪？

王如弗敢及天基命，定命予乃膺保大。相東土，其基作民明辟。

集傳 凡有造基之而後成，成之而後定。基命所以成始也。定命所以成終也。言成王幼沖，退託如不敢及知天之基命，定命予乃繼太保而往大相洛邑，其庶幾爲王始作民明辟之地也。洛邑在鎬京東，故曰東土。

集說

王氏炎曰：承天命以作新邑，是謂基命。都邑旣成，久安長治，是謂定命。○胡氏士行曰：洛邑旣成，則中天下，定

四海，王其始爲民明辟矣。○潘氏士遴曰：如弗敢及以天命重大難堪，欲元老贊成一切，創始善後事宜，皆委重大臣也。

予惟乙卯朝至于洛師。我卜河朔黎水。我乃卜澗水東。澗水西。惟洛食。我又卜澗水東。亦惟洛食。佯來以圖及獻卜。

集傳

乙卯。卽召誥之乙卯也。洛師。猶言京師也。

吳氏澄曰。師。眾也。言可以

居眾也。

河朔黎水。

地理今釋。蘇氏曰。黎水。今黎陽也。續文獻通考云。衛河淇水合流至黎陽故城。爲黎水。亦

曰濬水。黎陽故城。在今直隸大名府濬縣東北。

河北黎水交流之內也。澗水東。澗水

西王城也。朝會之地。澗水東下都也。處商民之地。王城在澗

澗之間。下都在澗水之外。其地皆近洛水。故兩云惟洛食也。

食者。史先定墨而灼龜之兆。正食其墨也。

吳氏澄曰。卜宅以兆食墨而明爲吉。

不食。則其兆曖昧。非吉也。○朱氏祖義曰。古者卜龜先用墨畫龜而後灼之。而其兆之文。循墨而行。如食墨然。則謂之吉也。

也。佯。使也。圖。洛之地圖也。獻卜。獻其卜之兆辭也。

集說

蘇氏軾曰。黎。今黎陽也。營洛以處殷民。民重遷。以河朔爲近便。卜不吉。然後卜洛也。○林氏之奇曰。周公之營

東都蓋以求天地之中欲諸侯之朝覲貢賦道里爲均而乃先卜河朔黎水者顧氏曰黎水近於紂都爲其懷土重遷故先卜近以悅之此說固是意者黎水去洛不遠亦不失爲地中也黎水爲河朔則澗水瀍水皆在河之南可知矣○呂氏祖謙曰周公何爲而先卜黎也意在地近者商民之心意在地中者周公之心並列二說以聽於天而已卜黎於先者先人後己之心也黎旣不吉改卜洛邑龜乃協從蓋周公之心卽天心也無間故無違也○史氏漸曰世或謂周公三卜而後洛初於黎水再於澗東瀍西又於瀍東皆不若洛之吉豈知澗瀍之東西卽洛之中也澗水之東卽洛之偏也同名爲洛而王城頑民之居不同非洛自爲洛澗瀍自爲澗瀍洛邑居天下之中伊洛瀍澗實周流於其間天子南嚮則澗水在洛之右瀍水在洛之左周公於澗瀍之中龜兆告吉遂營王城以建王宮定郊社宗廟是爲郊鄩之地今之河南是也又循之左越瀍水之東龜復告吉遂營下都以居殷民今之洛陽是也二城相距蓋十有八里○王氏充耘曰召誥言召公先至洛卜宅經營而後周公至洛誥卻言周公卜而惟洛食何歟蓋周召奉王命以作洛二人同功一體不容分彼此於其間故以事實言之則召公得吉卜而經營自周公遣使復命言之則爲周公卜宅而營洛也

王拜手稽首曰公不敢不敬天之休來相宅其作周匹休公旣

定宅。俘來視予。卜休恆吉。我二人共貞。公其以予萬億年。敬天之休。拜手稽首。誨言。

集傳

此王授使者復公之辭也。王拜手稽首者。成王尊異周

公而重其禮也。匹配也。公不敢不敬天之休命。來相宅為周

匹休之地。言卜洛以配周命於無窮也。視示也。

陳氏樸曰。示古通用。

示

我以卜之休美而常吉者也。二人。成王周公也。貞猶當也。

夏氏

候曰。貞如。厥賦貞之貞。謂相當也。王欲與公共當此吉卜。

十萬曰億。

陳氏樸曰。詩禾三百億。鄭注。十萬曰億。韋

昭注。楚語曰。十萬曰億。古數也。秦始以萬萬為億。

言周公宅洛。規模宏遠。以我萬億

年敬天休命。故又拜手稽首以謝周公告卜之誨言。

集說

孔氏穎達曰。拜手稽首。施於極敬。哀十七年左傳云。非天子。寡君無所稽首。諸侯小事。大尚不稽首。況於臣乎。

成王尊敬周公。故答其拜手稽首而受其言。朱子曰。拜受公言。猶禹之拜昌言也。呂氏祖謙曰。敬天之休足矣。必曰

不敢不敬天之休者蓋明見天命之當然而不得不然也見之明然後畏之至周公之於天命也知之深然後言之力成王之於周公也知周公則知天矣成王之學至於知天是殆非前日弗敢及天基命之成王也○吳氏澄曰拜手稽首誦言與後拜手稽首休享文同皆王行此禮又授此辭而使之以達於公也○王氏樵曰始之相宅曰公不敢不敬天之休答其基命之語繼之定宅曰公其以予億萬年敬天之休答其定命之語

周公曰王肇稱殷禮祀于新邑咸秩無文

集傳

此下周公告成王宅洛之事也殷盛也與五年再殷祭

之殷同秩序也無文祀典不載也言王始舉盛禮祀于洛邑皆序其所當祭者雖祀典不載而義當祀者亦序而祭之也呂氏曰定都之初肇舉盛禮犬饗羣祀雖祀典不載者咸秩序而祭之有告焉有報焉有所焉始建新都昭假上下告成事也雨暘時若犬役以成報神賜也自今以始永奠中土祈

鴻休也後世不知祭祀之義鬼神之德觀周公首以祀于新
邑爲言若闕於事情者抑不知人主臨鎮新都之始齋祓一
心對越天地達此精明之德放諸四海無所不準而助祭諸
侯下逮胞翟禮記祭統曰胞者肉吏之賤者也翟者樂吏之賤者也之賤亦皆有孚願
若陳氏師凱曰天下之人莫不盡其孚誠顯然瞻仰之顯仰望也收其放而合其離蓋格君
心萃天下之道莫要於此宜周公以爲首務也

集說

林氏之奇曰漢孔氏曰王當始舉殷家祭祀以禮典祀
于新邑王氏曰殷者與五年再殷祭之殷同非夏殷之
殷也當從王氏之說易象雷出地奮豫先王以作樂崇德殷
薦之上帝以配祖考禮有殷祭殷奠皆取殷盛之義與周因
於殷禮其字雖同而義則異矣○陳氏櫟曰王氏謂此殷禮
疑卽篇末十二月戊辰之祭史述其語於前而記其事於後
也竊意十二月之祭不過以周公畱治洛之事就冬烝以告
文武耳此曰殷禮曰秩無文乃非常大祭祀豈十二月之祀
足以當之三月後以至十一月王必嘗親至洛行大祀禮受
大朝賀發大號令今脫去矣曰此下至無遠用戾乃洛邑既

成。公自洛還鎬。告王以宅洛所當行之事。而請王以行。及自陳。欲退老之辭也。繼此云云。述往復之辭。而有錯誤之簡者。也。證之。召誥。公定宅後。嘗還鎬京。觀召公取諸侯之幣。錫公由公以達王。則可見矣。孺子其朋以下。必有訛誤。脫簡漏卻。王祀新邑等。必在此處無疑也。況梓材庶邦享集丕享等語。其為敬識百辟享之上下交脫簡在彼。尤為顯然乎。○王氏充耘曰。王者為天下神人之主。故即位即政。必先享祀羣神。朝會羣后。今洛邑成而王即政。與新即位同。故曰王肇稱殷禮。舉盛禮自今始。故當徧于羣神。宜乎其威秩無文也。祭祀之後。繼以敬識百辟享。則教以朝會諸侯之事也。先神後人。禮當如此。

予齊百工。佅從王于周。予惟曰庶有事。

集傳

周公言予整齊百官。使從成王于周。謂將適洛時也。予

惟謂之曰庶幾其有所事乎。公但微示其意。以待成王自教

詔之也。

集說

夏氏曰。王祭于新邑。我則整齊百官。使從王往新邑也。呂氏祖謙曰。方周公當國之時。百官賢否。雖或小

不齊公固化之有道處之有方於治道未害也。今成王親政之初所從百官豈容有一小人參錯其閒故公必精察審擇便咸出於正無少不齊老臣愛君之心亦篤矣不授之以人而徒責之事周公必不爾也。○陳氏櫟曰國之大事在祀與戎故古人於祭祀皆曰有事

今王卽命曰記功宗以功作元祀惟命曰汝受命篤弼

集傳功宗功之尊顯者祭法曰聖王之制祭祀也法施於民

則祀之以死勤事則祀之以勞定國則祀之能禦大災則祀

之能捍大患則祀之蓋功臣皆祭於大烝而勲勞之最尊顯

者則爲之冠故謂之元祀孔氏安國曰有大功則列大祀周公告成王卽命

曰記功之尊顯者以功作元祀矣又惟命之曰汝功臣受此

褒賞之命當益厚輔王室蓋作元祀旣以慰答功臣而又勉

其左右王室益圖久大之業也

集說

王氏安石曰。記功若紀于太常。載在盟府之類。作元祀。若茲予大享于先王。爾祖其從與享之類。○呂氏祖謙曰。洛邑既成。周業既定。論創業之勳。不可後也。功臣之冠。天下觀瞻。鎮服羣下。實係此舉。論功莫先於宗言宗。則凡功臣可得而推矣。報功莫重於祀言祀。則凡慶賞可得而推矣。○王氏樵曰。周公攝政。此等大事。蓋不敢專而有待于成王之親政。故今語王以宅洛所當行而首及之。

不視功載乃汝其悉自教工。

集傳

不。大視。示也。功載者。記功之載籍也。大視功載而無不

公則百工效之亦皆公也。大視功載而或出於私則百工效之亦皆私也。其公其私。悉自汝教之。所謂乃汝其悉自教工也。上章告以褒賞功臣。故戒其大視功載者如此。

集說

胡氏士行曰。記人之功。小大有序。公褒賞激勵之權。以

視以示羣工之效。此皆王之所當自服者也。○陳氏櫟曰。以功作元祀者。所以報功臣於既往。不視功載者。所以勸功臣

於方來。載之今日。又當祀之後日也。○王氏充耘曰。紀功載籍。必昭示於大庭廣眾之間。功之高下有無。自有公論。不可以私意而爲之輕重增損也。凡可以使眾人見者。其紀載必公。不然則必不敢以示人矣。

孺子其朋。孺子其朋。其往無若火。始燄燄厥攸灼。敘弗其絕。

集傳 孺子。稚子也。朋。比也。上支百工之視效如此。則論功行

賞。孺子其可少徇比黨之私乎。孺子其少徇比黨之私。則自是而往。有若火然。始雖燄燄尙微。而其灼爍將次第延熨。不可得而撲滅矣。言論功行。賞徇私之害。其初甚微。其終至於不可遏絕。所以嚴其辭而禁之於未然也。

集說

孔氏安國曰。言朋黨敗俗。事從微至。著防之宜以初。○

林氏之奇曰。燄燄不滅。炎炎若何。天下之患。未有不始於微而成於著也。漢唐朋黨之禍。皆始於細微。於其細微而不謹。則其末寢淫而不可解。○呂氏祖謙曰。論功者。成王之初。政周公懼其私心之或萌。故嚴厲其辭。所以閑之於始。而禁之於未發也。○傅氏元初曰。朋者。人臣所大禁。而君亦有

朋。一念偏私。卽是憧憧。朋從之害。悉自教工之效。其可掩乎。

厥若彝及撫事。如子。惟以在周。工往新邑。倅嚮。卽有僚。明作有功。惇大成裕。汝永有辭。

集傳

其順常道。及撫國事。

王氏樵曰。若彝。以常所持循而言。撫事。以臨事聽斷而言。

常如

我爲政之時。惟用見在周官。勿參以私人。往新邑。使百工知上意嚮。各就有僚。明白奮揚而赴功。惇厚博大以裕俗。則王之休聞。亦永有辭于後世矣。

集說

呂氏祖謙曰。漢文近於惇大成裕。而無所謂明作有功。漢宣近於明作有功。而無所謂惇大成裕。周之治體。蓋

非後世可及也。○金氏履祥曰。建都之始。治體風俗。於是關係勵精者。乏寬大之體。而寬大者。少振勵之功。二者兼之。於振勵奮發之中。有優柔寬大之意。此一代治體之所以爲全美。而成王之所以永有辭於世也。○王氏肯堂曰。明作是建事之精采。惇太是爲治之規模。成裕者。成化於不迫也。謂精白一心奮發勇往。所以順常道而撫國事者。不敢怠于斯須。

而又崇尚忠厚。務爲寬博。所謂順常道而撫國事者。不責效于旦夕也。

公曰。已。汝惟冲子。惟終。

集傳

周之王業。文武始之。成王當終之也。此上詳於記功教

工。內治之事。此下則統御諸侯。教養萬民之道也。

集說

孔氏穎達曰。周公止而復言。故更言公曰。已者。道前言已如是矣。爲後言發端也。言其年幼而任重。嗣父祖之

位。當終其美業。能致太平。是終之也。○呂氏祖謙曰。蓋憂其不克負荷。而勉其不可不負荷也。

汝其敬識百辟享。亦識其有不享。享多儀。儀不及物。惟曰不享。惟不役志于享。凡民惟曰不享。惟事其爽侮。

集傳

此御諸侯之道也。百辟。諸侯也。享。朝享也。儀。禮物。幣也。

諸侯享上。有誠有僞。惟人君克敬者。能識之。識其誠於享者。亦識其不誠於享者。享不在幣。而在於禮。幣有餘而禮不足。

亦所謂不享也。諸侯惟不用志於享。則國人化之。亦皆謂上不必享矣。舉國無享上之誠。則政事安得不至於差爽僭侮。隳王度而爲叛亂哉。人君可不以敬存心。辨之於早。察之於微乎。

集說

蘇氏軾曰。小人賄以悅人。必簡於禮。公戒王責諸侯以禮。不以幣。恐其役志乎物。而不役志乎禮。則諸侯慢而王室輕矣。此治亂之本。故公特言之。襄二十五年春秋傳曰。晉趙文子爲政。薄諸侯之幣。而重其禮。謂穆叔曰。自今以往。兵其少弭矣。夫以列國之卿。輕幣重禮。猶足以弭兵。王而賄其致寇也。必矣。唐之衰。君相皆可以賄取。方鎮爭貢羨餘。行苞苴。而天子始失其政。以至於亾。周公之戒至矣。○朱子曰。享朝而以幣。享王。誠以奉上之辭。幣有餘而禮不及者。往往有輕上之心。以爲可以幣交也。曰。吾幣足矣。何以禮爲。如是者。猶不享也。諸侯不役志于享上。則天下之民皆無復有享上之心矣。天下之事。安得不爽亂而輕侮乎。○呂氏祖謙曰。王者御諸侯。非用智任術。亦曰敬而已。敬則是心常存。無愛憎之私。故能識其享與不享也。所謂不享者。庭實任土之物。固與其它諸侯無異。苟無誠意。則其陞降俯仰之儀。必有不